



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. CXVII. In Ipso Sacrificio Vt Se Habere debeat Sacerdos.

urn:nbn:de:hbz:466:1-42349

grati animi debito pro innumerabilibus beneficiis, quæ & priuatim, & cum aliis rebus creatis accepit suo & nostrum omnium nomine satisfacere offerendo illi Christum Dominum, in quo bona omnia continentur, idcirco enim & olim sacrificia fiebant, ut homines Deo grati, eum omnium bonorum auctorem contestarentur. Tertio proponat velle se memoriam renouare sacrorum Domini cruciatuum, quos plurimis modis sacrificium illud repræsentat, eos Deo iterum offerre pro exolutione humani generis ac peccatorum vinculis, propter quæ rei erant supplicii æterni. Quarto proponat velle hoc præsidio & tanti sacrificij pretio opem ferre vniuersæ Ecclesiæ, singulorumque calamitatibus, & per eam oportunitatem indigentium omnium supplices libellos Deo porrigere, quodammodo & commendare. Præter hæc ubi ad Sacramentum accedet dabit, ut ritus omnes, qui præscribuntur in Rubricis accuratè seruet.

3. *Passionis Christi commemoratio.*

4. *Indigentium auxilium.*

C A P. CXVII.

IN IPSO SACRIFICIO VT SE HABERE DEBEAT SACERDOS.

IN sacro i. Vbi Sacerdos decenter ornatus ad Altare de more accedit, existimet se ad funestum Caluarie montis spectaculum iter habere vna cum Deipara, S. Ioanne ac aliis, quorum in se affectus exprimat, vel Christi patientis personam sustinere, quod habitu ipso & sacris vestibus significatur: nam 1. corona indicat spineam coronam. 2. amictus, velamen oculis ipsius obtentum. 3. linea tunica, vestem albam qua indutus illususque est ab Herode. 4. Cingulum funes, quibus medius constrictus est in hortu. 5. manipulus vincula, quibus sacre manus tantam

Sacra indumenta quorum mysteriorum signa & documenta.

quam nefarij hominis obstricta sunt. 6. stola, funes, quibus, vt tutius deducerent, diuinum collum implicuere. 7. Casula vestem purpuream. 8. Crux in pectore & humeris, siue in dorso, quam ipse gessit, semper expetiuit, & ante oculos habuit. 9. Calix, acerbissimum cruciatum, quem nostra causa exhaustit. 10. Sacri panniculi, qui explicantur in altari, sindonem & lintea, quibus obuolutum est sacrum corpus. Ad altare progressus, e terra sublatum putet se in caelo iam esse coram Deo & Agno, vbi videat innumerabilem Angelorum hominumque beatorum multitudinem, omnes summa cum veneratione coram diuina Majestate prostratos, diuinumque hoc sacrificium adorare paratos.

§. Secundo. Aggrediatur sacrum voce pia, temperata, clara, ceremoniasque ita decorè seruet, vt ad pietatem iis se & alios, qui intersunt, excitet.

§. Tertio. Studeat, quantum potest ad id, quod agit, & dicit, attendere ex omnibus fructum aliquem eliciens, & diuinis nutibus locum dare, & afflatibus, non immorando nimium, sed vim omnem animi sedulo in vnum hoc negotium negotiorum conferendo.

Mentis ad sacrificium applicatio.

§. Quarto. In precatione illa qua dicitur Memorato, &c. vt recordetur eorum, pro quibus debet orare, & preces ipsae vim habeant maiorem, sacrorum cruciatuum Domini, memoria illas sociabit, hunc ferme in modum: 1. sanguini pro nobis effuso suam animam commendabit, vt per illum expietur, & iis virtutibus, quae Domino maxime placent, exornetur. 2. Lateri Ecclesiam, quae ex illa est orta, vt illi sanctitate donetur. 3. Capiti spinis copuncto summum Pontificem, aliosque omnes Principes & Antistites vel diuinarum, vel humanarum rerum. 4. Manui dextrae suos amicos, consanguineos, & bene meritos. 5. Sinistrae, omnes qui

Visuorum ac mortuorum commemoratio ac commendatio.

qui nos aliquo modo vel oderunt vel molestia affecerunt. 6. Pedi dextro personas & negotia ab alijs commendata. 7. Pedi sinistro omnes in mortifero peccato jacentes, vt ad dextram partem transferantur. 8. Flagello, sputis, alapis, quibus Dominus impiè vexatus est, Ethnicos & Hæreticos, qui etiamnum ipsum Dominum contumeliis & injuriis diuexant. 9. Cruci religiosos omnium Ordinum, ac præcipuè suum proprium institutum, vt crucem voluntariè accipiant, & libenter ferant cum Domino. 10. Siti eos omnes, qui nostras preces expetunt. 11. Angori illi, quem Dominus in horro voluit perpeti, omnes qui in calamitatibus, aut aliqua molestia versantur, vel publica vel priuata. 12. Morti denique cum secundo dicitur memento, omnes qui in Purgatorio detinentur, cum eorum votis & desideriis, suffragia etiam nostra omnia DEO offerendo.

Sacerdos in consecratione alter Christum.

§. Quinto. In consecratione jam non se amplius eum esse cogitet, qui erat paulo ante, sed Christum quodammodo in Sacerdotem esse mutatum, vt rursus gratissimum sui corporis & sanguinis Patri offerat sacrificium. Quare Sacerdos cum ipso Christo Domino se intimè conjungat in eo amore quo se ille in hoc Sacramento reliquit, atque æternum Patrem precetur, vt ad suam nostrorum peccatorum expiationem, & omnium mortalium adjumentum sacrosanctum illud sacrificium excipiat.

Quid maxime in S. communionem agendum.

§. Sexto. In Communionem præcipuè duos studet in se affectus excitare. 1. Venerationis maxime & humilitatis se ipsum quasi fœdissimam cloacam agnoscens, omnium indignissimum integerrimo Christi Domini corporis domicilium. 2. Amoris vehementis, cuius vi cupiat se totum converti in Christum, eique

eique per virtutum imitationem, quam simillimum fieri.

C A P V T C X V I I I .

Q V I D S A C R I F I C I O F I N I T O
agendum.

§. **A** SACRO I. Veniam petet negligentia & errorum, quæ in sacro faciendo commisit. *Venia postulat.*

§. 2. In eo amore quo meruit Christo conjungi, se colligat magno cum desiderio gratias pro tanto beneficio tantas agendo, quantas deberi intelligit. Itaque offerat omnium rerum creaturarum opera & sensu carentium & præditarum, præcipuè studia justorum hominum, & Angelorum, Deiparæ, & sanctissimæ humanitatis Christi. *Amor & gratiarum actio.*

§. Tertio offerat pro se & Ecclesia vniuersa diuinæ Majestati, quicquid Christus triginta trium annorum spatio egit & pertulit, ac simul seipsum offerens, oblationem sui cum hac oblatione conjungat. *Meritorum Christi oblatio.*

§. Quarto sibi atque aliis precabitur ea, quæ optat, præsertim vt eueniant ea, quæ maximè diuinæ voluntati placent, & Deus ipse inde vsque ab æternitate constituit. *Bonorum euentuum petitio.*

§. Quinto cogitans se veluti sepulchrum Domini effectum, proponet sensus ac motus interiori cura custodire, vt omnibus sit bonus odor Christi Iesu, qui est Deus super omnia benedictus in secula. *Diligens sui custodia.*